

TE KURA KAUPAPA MĀORI O WAIRARAPA

# TE PŪTĀTARA



# Rangatiratanga



# Pono



# Kotahitanga



# Whānaungatanga



# HE KŌRERO NĀ TE TUMUAKI

Kua pōwhiri atu ki te tau kātahi anō ka hipa, kua mihi anō ki te tau hou, ki te tau Māori, heoi anō ka nui ngā mihi o te Matariki ki a tātou katoa.

Ka nui te mihi ki te whānau i oho moata, i tae moata mai ki te kura i te Rāmere ki te karakia, waihoki ki te whakatō rākau ki tō tātou whīra. Ko ngā rākau i whakatōngia e mātou he mea whakanui, mea whakamiha i a tātou nei tūpuna i whakapau kaha ki te whakatūria ngā Kōhanga Reo me tō tātou nei Kura i ngā tau kua hipa. Anō nei i tō rātou whāngai i te reo ki a tātou tamariki kia tipu ai rātou me tō rātou reo, ka pērā tō tātou whakawai, tō tātou whāngai i ngā rākau nei hei tohu maumahara ki a rātou. Ka nui anō hoki te mihi ki a Matariki Tū Rākau, nā rātou ngā rākau i tākoha mai.



He nui anō ngā mihi ki a tātou tamariki, me a rātou kaiako kapa haka kua whakapeto ngoi i ngā wiki kua taha ake nei ki te whakarite i a rātou ki te tū ki te Hui Ahurei o te Tāpere Nui ā-Whātonga ka tū ki Feilding i tēnei mutunga wiki. He kapa mate ururoa e whakatinana ana i ngā āhuatanga o Te Aho Matua.



# HE PĀNUI

RANGITĀNE AHUREI

## Kapahaka

TE HUI AHUREI O  
TE TAPERE NUI O WHĀTONGA



Saturday 3<sup>rd</sup> of July, MANFEILD Stadium, Feilding

- 8.15am Doors Open
- 8.40am *Whakatūwheratanga*
- 9.00am *Ngā Kōhanga Reo*
- 9.15am Te Kura Kaupapa Māori o Tamaki nui a Rua
- 9.30am Te Kura Kaupapa Māori o Manawatū ki Rangitāne
- 9.45am Te Kura Takawaenga o Tirohanga – Ngā Iti Rearea

### *Pae Taiohi Begins*

- 10.20am Te Rau Huia
- 10.55am Hato Paora
- 11.30am Te Ara Toa
- 12.05pm *Ngā Wai o Manawhenua*
- 12.40pm Te Piringa
- 1.15pm Manukura

### *Paetaiohi Ends*

*Te Aho o Whātonga (Lunchtime Entertainment), 2pm*

- 2.45pm Tai Kura Nui Tai Kura Roa
- 3.10pm Te Rīnga Kaha
- 3.35pm Te Tini o Rēhua
- 4.00pm Te Tū Mataora
- 4.25pm *Ngā Kapa Haka o Te Tapere-nui-o-Whātonga*
- 5.05pm *Mihimihi & Prizegiving (Approx)*
- 5.45pm *Whakakapinga*

## Dates:

Last day term 2

FRIDAY 9TH JULY

First day term 3

MONDAY 26TH JULY



## Te Pahi

Kia ora whānau.

Please don't forget to keep in contact with whaea Te Paea about your bus needs and any day to day changes for your tamariki, ngā mihi.

**MASTERTON  
SHUTTLES  
027 961 3973  
06 377 1923**

# KURA NOHINOHI

Tēna koutou katoa e ngā  
whānau,

Kei te pai haere i ngā mahi mō tēnei wāhanga ki roto i te akomanga o Kura Nohinohi. Kua tīmata ētahi tamariki hou, nō ngā whānau Fox, Poutu, me te whanau Kawana. Kāore e roa ka mutu tēnei wāhanga kia 20 ngā tamariki ki te whanau o kura nohinohi. E ngā whānau hou, nau mai piki mai.

Kei te whai tonu mātou ki ngā ture e 3 o te akomanga, ā, ko te “Waewae hikoi”, ā, te Ringa Manaaki me te “Reo Mihi”.

Me mihi ka tika ki ngā tamariki katoa e tautokohia te ako.

Ko te kaupapa ako i tēnei wā, ko te Ira tangata. I tirohia ngā tamariki ki ngā mahi/haepapa ka whakamahia ki te kāinga ki te kura hoki. I ako mātou me pēhea te tiaki i ā rātou anō.

Kua huri ngā whakaaro ki te wā o Matariki inaiane. I tēnei wiki kei te whakanuia te kura katoa. Ka tīmata ngā mahi ki te Karakia, ā kātahi ka whakatō rākau, ā, ka kai-tahi tātou ki Kahurangi. Ka eke pahi tātou mo te haerenga ki Maunga Horowai, ā, kātahi ka hoki ai ki te kura ki te mātakitaki he kiriata.

E ngā whānau nau mai tauti mai ki te whakanui i a Matariki.

Ngā manaakitanga ki ā koutou katoa.

Nāku nā Whaea Hubba &  
Whaea Tahī.




# KURA TEINA

Te Ira Tangata - Te Aho Matua 1.5  
He tapu te tangata ahakoa ko wai,  
ahakoa ko wai.

Mauriora e te whānau,  
Kātahi rā te wahanga pukumahi o Kura  
Teina, ōtira mō ngā kaiako hoki. Te maha  
hoki o ngā uiui kaiako kua tae ā-tinana  
mātou katoa. Heoi anō me kī rā ko te manu  
e kai ana i te miro, nōna te ngahere. Ko te  
manu e kai ana i te mātauranga, nōna te  
ao.



I tēnei wahanga ako i aro atu ngā tamariki  
ki te whakanui i te tangata ahakoa ko wai,  
ahakoa nō hea ia. Kei te ako hoki ngā  
tamariki ki te reo whakamihi, pēnei i te reo  
hei hiki, hei akiaki i te tangata. Kia kua te  
tangata e noho pouri, e noho mokemoke  
me tōna kōtahi.

Nō reira, hutia te rito o te harakeke, kei hea  
te kōmako e kō. He aha te mea nui o tēnei  
ao? Māku e kī atu, he tangata, he tangata,  
he tangata.



# KURA WAENGA

Ētahi o ngā mahi o roto i tō mātou akomanga ko te tākaro kēmu hei Whakapakari ake i te reo rangatira me tō mātou kaupapa tuhituhi, arā, He Tuhinga Tohutohu. He mahi pārekareka tēnei ki ngā tamariki.





# HĀKINA KINA

## Wairarapa Primary School Cross Country - Wahanga 2 2021

I tū te whakataetae omaoma o ngā kura tuatahi o Te Wairarapa i te Rāapa 16 o Pīpiri ki Taratahi.

Haere ngātahi mātou ko whaea Jasmine, te Kuia o Tāwhaki me Matua Hone ki Taratahi ki te tautoko i a Tāwhaki. Nāna anō i kawea tēnei kaupapa whakahirahira mō tō tātou nei kura. Miharo katoa mātou te tū ki tō taha tautoko ai i a koe e tama.

Whaia te iti kahurangi,  
ki te tūohu koe me he maunga teitei



# WHAREKURA

*Ko Te Aho Matua te tāhuhu o tōku kura  
Ko ngā tikanga ngā heke  
Ko te whānau ngā poupou*



I te Rāpare te 27 me te Rāmere te 28 o Haratua 2021, I whakatūwhera ai a Whaea Pip i tētahi rangi umanga, ki te whenua whakaaturanga o Solway, mō ngā kura tuarua o te Wairarapa.

Ko te kaupapa matua o te rangi nei kia whakaatuhia ai i ngā kōwhiringa umanga, mahi rānei kei mua i te aro aro i te wā wehe ai te tamaiti wharekura i te kura. He maha rawa ngā kōwhiringa mīharo hei kōwhiringa mō te ākonga hei whakahīhiri i ōna whakaaro hei whakahīkaka hoki i te ākonga ki ngā āheinga mōna i tōna wehenga kura.

Ko ētahi o ngā tino kaupapa i whakatuhi ai ko te kaitiaki pī, te heu heu hipi, te mahi kaipāmu, ngā āhuetanga ope kātua o Aotearoa, te hanga hanga whare, ngā mahi hangarau, me te maha tonu o ngā whakaatuaranga mīharo rawa.

Kei runga noa atu ki te kite i ngā ākonga e kaingākau ana ki ngā whakaaturanga umanga nei.



# NGĀ POU HĀKINAKINA



**MĀNAWA MAIEA TE PUTANGA O MATARIKI  
MĀNAWA MAIEA TE MĀTAHI O TE TAU  
MĀNAWA MAIEA NGĀ MAKURUTANGA O TE TAU  
MĀNAWA MAIEA NGĀ POU HĀKINAKINA O TE KURA KAUPAPA MĀORI  
O WAIRARAPA TĒNEI TE HOU ATU NEI KI TE AO MĀRAMA.  
TIHEI MAURI ORA!**

MIHI MAI RĀ KI NGĀ POU HĀKINAKINA O TŌ MĀTOU KURA, O TE KURA KAUPAPA MĀORI O WAIRARAPA, ARĀ, KI A MATUA DAVIDSON RĀUA KO TOMMY TRAVERS. KOIA ĒNEI KO NGĀ POU E ARATAKI NEI I TE AHUREA HĀKINAKINA KI ROTO I TE KURA. KO TĀ NGĀ POU HĀKINAKINA HE HĀPAI, HE TAUTOKO I NGĀ KAUPAPA HĀKINAKINA. KA NUI TE WHAKAMĀNAWA KI TĒNEI TOKORUA I TĀ RĀUA HĀPAI I TĒNEI TŪĀHUATANGA, OTIRĀ, I ROTO HOKI I Ō RĀUA AO AKE E WHAI NEI KIA WHAKAIHUWAKA I ROTO I TE AHUREA HĀKINAKINA. KA NUI TE HARI, KA NUI TE KOA I Ā RĀUA WHAKAHEKENGA WERAWERA, I Ā RĀUA WHAKATANGETANGE RIAKA. KOIA KEI A KŌRUA, KA NGANGARO!

**“1.7 - HE TAPU TE TINANA O TE TANGATA. NŌ REIRA, HE MAHI NUI TĒRĀ, KO TE WHAKAAKO I TE TAMAITI KI NGĀ ĀHUATANGA WHAKAPAKARI I TŌNA TINANA, KIA TUPU AI TŌNA HAUORA. KIA MŌHIO TE HUNGA TAMARIKI KI NGĀ KAI PAI, KI NGĀ KAI KINO. KIA MŌHIO HOKI KI TE PAINGA O TE KORIKORI TINANA, O TE MIRIMIRI TINANA, O NGĀ RONGOĀ A TĀNE-WHAKAPIRIPIRI. KIA KAUA IA E TŪKINO I TŌNA TINANA, I TE TINANA HOKI O TĒTAHI ATU.”**

# Tutaki

TE KAIKO...

## WHAEA KIRI RIWAI-COUCH



Mihi nui ki a koutou te whānau!

Ko Paremo raua ko Ben Matthews oku matua. Ko Ngā Puhi, Ngāti Hine, Ngai te Rangi rātou ko Ngāti Pūkenga oku iwi, nō reira mihi nui ki a Ngāti Kahungunu rāua ko Rangitāne e whakaruruhau i ahau.

Ko matua Ben Riwai-Couch toku hoa rangatira, ko ia te kaitiaki papa, no reira ka tino mōhio koutou i a ia. Ko Tuakana, Manaia, Maioha rātou ko Matariki a māua tamariki.

Ko tēnei taku tau tuawhā hei kaiwhakaako i kōnei. Engari, tērā pea i maumahara ētahi o koutou, i ngā rā o mua, ko au te kaiwhakahaere tari mai i 2006 ki 2012. I tēnei tau ka noho au ki te taha o ngā tamariki tau 2 ki te tau 4, ki te taha o whaea Marata. He rawe ēnei tamariki, he rawe hoki ki ahau te mahi i kōnei, na te mea ahakoa he kaiako ahau, ka ako au i ētahi mea hou in ngā wā katoa! He pai ki ahau te PB4L hoki me te ako i ētahi rautaki rerekē ki te tautoko i ngā tamariki i roto i o rātou whanonga pai, kore pai rānei... he tino wero tēnei mahi. Nō reira tēnā koutou katoa :)

